



NDIS Quality
and Safeguards
Commission



NDIS Workforce
Capability Framework

Va'ava'aiga Mo Agava'a

Samoan | Samoan

O le Faiā o le Va'ava'aiga ma
Lagolago: O se Ta'iala mo
Supavaisa ma Tagata Faigaluega

Setema 2023








Anotusi

Fa'ailoga ki fa'aaogaina	1
Folasaga	2
Puna'oa e feso'ota'i i le va'ava'aiga	2
O mea o i totonu o lenei ta'iala	2
Fa'aaogaina o lenei ta'iala.....	3
Matafaioi ma tiute tauave o supavaisa ma tagata faigaluega	3
Supavaisa	3
Tagata faigaluega	4
Metotia o le va'ava'aiga	5
Fa'atuina o le faiā i le va'ava'aiga ma fa'atulagana.....	6
Atina'e o se maliega o fa'atinoga	9
Lagolagoina o se fuafuaga e atia'e ai mea e mafaia	10
Lagolagoina o le soifua manuia	11
Fa'ailo o le soifua manuia i le galuega	11
Fuafuaga e fa'aleleia ai le soifua manuia	11
Nisi puna'oa aogā.....	12

Fa'ailoga ki fa'aaogaina

O pepa ta'itasi i le fa'aputuga o puna'oa a le Fa'avae o Agava'a o Tagata Faigaluega a le NDIS e fa'a'oga le tasi o fa'ailoga pe sili atu fo'i e fa'ailoa atu ai tagata o le a fa'a'oga pe fa'aaogaina.

Fa'ailoga	Ki
	Tagata auai NDIS
	Tagata Faigaluega
	Supavaisa ma pule o vaega laiti
	Pule sinia ma ta'ita'i
	Fai 'Au'aunaga a le NDIS

Folasaga

O le va'ava'aiga o le auala lea e pulea ai ma lagolago e fa'alapotopotoga a latou tagata faigaluega ina ia kilivaina ai 'au'aunaga ma lagolago ia o gatasi ma mea e fa'amuamua, tulaga mana'omia ma tualumaga a le fa'alapotopotoga. A sologa lelei, o le fa'agasologa fai fa'atasi faifai pea e aofia ai feso'otaiga masani i le va o tagata faigaluega ma supavaisa, e fa'apena foi fuafuaga e pei o le fa'atulagaina o se [maliega o fa'atinoga](#) ma le faia o iloiloga fa'aletausaga. I le NDIS, o le vaavaaiga e aofia ai fo'i sui auai e maua ai manatu i le faatulagaina o faatalitaliga o au'aunaga ma maua mai ai manatu faaalii i le tulaga o iai mea. O le fa'auigaga o le va'ava'aiga na fa'aaogaina i nei puna'oa, ma o itū na taula'i ai, o lo'o iai i le [Va'aiga Aoao o Puna'oa](#).

E taua le iloa o nei puna'oa e le feagai ma le va'ava'aiga fa'aleofisa e pei o le faiga o taimi faigaluega ma le va'aiga o le api saina ma livi, po'o le fa'agasologa aloa'ia e fa'aaoga e fa'alapotopotoga e tali atu ai i mataupu e pei o le amio le lelei, solia o tulafono fa'atonutonu a le NDIS po'o le lē fetau ma le galuega.

Puna'oa e feso'ota'i i le va'ava'aiga

O lenei ta'iala o se vaega o le seti o 'Va'ava'aia mo le Gafatia' puna'oa na atina'eina e le NDIS Quality ma le Safeguards Commission (o le KOMISI a le NDIS). E mafai ona e vaai i le [seti atoa o puna'oa](#) i luga o le matou upega tafailagi pe maua puna'oa talafeagai i le filifilii o so'otaga o i lalo. O puna'oa aogā atili na faia e le Komisi o le NDIS o lo'o lisi i le fa'ai'uga o lenei ta'iala.

Puna'oa e feso'ota'i i le va'ava'aiga

- [Va'aiga Aoao o Puna'oa](#)
- [Mamanu o Maliega o Fa'atinoga](#)
- [Galulue Fa'atasi: O se Ta'iala Mo Tagata Faigaluega](#)
- [Galulue Fa'atasi: O se Ta'iala mo Supavaisa](#)
- [Atina'e o le A'oa'oina ma le Gafatia: O se Ta'iala mo Supavaisa](#)
- [Pepa o Fesoasoani mo Supavaisa ma Tagata Faigaluega](#)
- [Pepa o Manatu Fa'aalia mo Supavaisa](#)
- [Molimau mo le Iloiloina o le Gafatia - Pepa Fesoasoani mo Supavaisa](#)

O mea o i totonu o lenei ta'iala

O lenei ta'iala o lo'o iai fautuaga i vaega eseese o le va'ava'aiga i le NDIS:

- Matafaioi ma tiute tauave o supavaisa ma tagata faigaluega
- Metotia o le va'ava'aiga
- Fa'atuina o le faiā i le va'ava'aiga ma fa'atulagana

- Atina'e o se maliega o fa'atinoga
- Atina'e o se fuafuaga e gafatiaina
- Iloiloina o le maliega ma le fuafuaina o lesi e soso'o mai.

Fa'aaogaina o lenei ta'iala

O supavaisa ma tagata faigaluega e mafai ona fa'aaogaina lenei ta'iala pe a fa'avae muamua le faiā i le va'ava'aiga po'o se fa'asinoga pe a iloiloina fa'atulagana o lo'o iai.

Matafaioi ma tiute tauave o supavaisa ma tagata faigaluega

Supavaisa

- Fai se si'osi'omaga talitonuina ma saogalemu lea e fa'amlosiauina ai le manatunatu ma le a'oa'oina.
- Atia'e se maliega o fa'atinoga ma le tagata faigaluega e fa'amatala ai latou tiute o lo'o fai, o le gafataulimaina e tatau ona latou fa'aalia pe a fa'atino ia tiute, ma le latou fuafuaga mo le gafatiaina.
- I le faiga pa'aga ma le tagata faigaluega ma sui auai e latou te lagolagoina, fa'amaonia fa'amoemoega o le lagolago ia kiliva ma fa'ailoa manaoga o sui auai fa'apitoa ma mea e fiafia ai.
- Fa'amautinoa e iai i tagata faigaluega le gafatiaina e fa'atino ai galuega ua atofaina.
- Fa'atino le fa'atulagana o feso'ota'iga ia mautinoa ai feso'ota'iga e le aunoa ma vave tali i talosaga a tagata faigaluega mo fautuaga po'o fesoasoani.
- Tu'u atu manatu fa'alia manino ma le aogā e fa'ailoa ai, talisapaia ma fa'amalosiā faiga lelei, i lea taimi ma taimi na fuafuaina.
- Fa'amalosiā i le tagata faigaluega e fa'aali fa'afitauli ma aumai manatu fa'aalia.
- Fuafua ma sauni mo talanoaga ua fuafuaina ma le tagata faigaluega, fa'ailoa mai ai itu o lelei ma itu e mana'omia le atia'e.
- Fa'amalosiā i le manatunatu ma le mafaufau lelei, su'esu'e i filifiliga e taulimaina ai lu'itau.
- Lagolago le a'oa'oina ma le atia'eina o le gafatia.
- Lagolago le soifua manuia o tagata faigaluega.
- Vala'aulia ma fa'aaoga manatu fa'aalia mai tagata faigaluega e fa'aleleia ai lau va lalata i le va'ava'aiga ma maua ai sao i le fa'alapotopotoga.
- Tulituli lou a'oa'oina ma atia'eina i fa'atinoga lelei ma le gafatia e feso'ota'i ai i le va'ava'aiga.

Tagata faigaluega

- Ia masani i le fa'amatalaga o le matafaioi, o tulaga fa'atauaina ma sini o le fa'alefa'alapotopotoga a le Fa'avae o Agava'a o Tagata Faigaluega NDIS (o le Fa'avae) ma so'o se fa'amatalaga e aoga e malamalama ai i mea e mana'omia i le galuega.
- Galulue fa'atasi ma le supavaisa e atia'e se maliega o fa'atinoga, fa'aaoga ai le fa'amatalaga o matafaioi ma le Fa'avae o se fa'asino autū.
- I faiga fa'apa'aga ma le supavaisa ma sui auai ta'ito'atasi o le a e lagolagoina, fa'amaonia fa'amoemoega i 'au'aunaga ua saunia ma fa'ailoa manaoga o sui auai fa'apitoa ma mea e fiafia iai.
- Auai i se tulaga lelei ma le va'ava'aiga e ala i le auai i fegalegaleaiga faifaipea o lo'o faia ma talanoaga ua fuafuaina.
- Manatunatu i le fa'atinoga, saili i filifiliga e fo'ia ai lu'itau ma le supavaisa.
- Saili i manatu fa'aalia mai sui auai, supavaisa ma isi e iloa ai malosiaga ma fesili mo se fesoasoani pe a mana'omia.
- Sauni mo talanoaga i le va'ava'aiga, manatunatu i mea sa sologa lelei ma mea sa faigatā.
- Avatu manatu fa'aalia i lau supavaisa i fa'atulagana o le va'ava'aiga po'o fa'atulagana talafeagai o fa'alapotopotoga.
- Iloilo e oe lava mea e gafatia ma fa'ailoa vaega mo le atia'e atili e aogā i se matāfai'oi o iai po'o se avanoa i le lumna'i.
- Fa'aaoga le faiā o le va'ava'aiga e lagolago ai le soifua manuia.
- Tu'u atu manatu fa'aalia i le aogā o le a'oa'oina ma le atia'eina ma fai fautuaga e fa'atatau po'o a isi mea e mafai ona maua ai se fesoasoani.

Metotia o le va'ava'aiga

O se tulaga o metotia o le va'ava'aiga e mafai ona fa'aaoga e aofia ai le mata'ituina o galuega, fono fa'afesaga'i, vitiō, telefoni, ma feso'ota'iga i feau tusitusi. Fono fa'afesaga'i e ono fa'atino mo tagata po'o le auala i fono vitiō. O isi auala o feso'ota'iga tu'usa'o e mafai ona aofia ai polokalame, talanoaga i leo, vitiō ma/po'o feso'ota'iga i feau tusitusi. O le laulau o i lalo o lo'o ofoina ai isi ta'iala.

Metotia o le va'ava'aiga	Auala o le va'ava'aiga
<p>Feso'ota'iga faia pea e le aloa'ia: tu'u fa'atasi ai le faia o avanoa ma vala'aulia e fai ai fesili po'o fa'afitauli o se vaega o talanoaga masani e fa'atalanoa ai tofiga i suia auai po'o mataupu fa'aofisa, f.t. livi. Tu'uina o manatu fa'aalia aoga i le taimi lava lea mo se fegalegaleaiga po'o se galuega sa lelei le faiga, po'o se fautuaga vave mo fa'afitauli e faigofie ona fo'ia.</p>	<p>Talanoaga i leo</p> <p>Talanoaga fa'afesaga'i:</p> <ul style="list-style-type: none"> • Talanoaga i le vitiō - telefoni po'o le polokalame • Talanoaga faafesaga'i.
<p>Iloilo: talanoaina po'o le a se mea na tupu, o a gaoiga vavave e ono mana'omia ma o a mea e mafai ona a'oa'oina mai ai. O le auala lelei lea e lagolago ai soifua manuia o tagata faigaluega, ma afai e mana'omia, fuafua ni fa'atinoga e fa'aitiitia ai lamatiaga.</p>	<p>Feau tusitusi - e ala i le telefoni po'o polokalama</p> <p>Talanoaga i leo</p> <p>Talanoaga fa'afesaga'i:</p> <ul style="list-style-type: none"> • Talanoaga i le vitiō - telefoni po'o le polokalame • Talanoaga faafesaga'i.
<p>Fa'amatalaga feafa'asoa'i: tu'uina atu i le tagata faigaluega fa'amatalaga lautele e feso'ota'i ma le fa'alapotopotoga ma fa'atumauina i latou i tala fou o fa'alapotopotoga lautele.</p>	<p>Puletini o faamatalaga masani.</p> <p>Imeli, feau tusitusi, polokalama o fa'asalalaua fa'a'agafeso'ota'i, pusameaai/fa'atalanoaga i totonu fale.</p> <p>Fonotaga a vaega po'o tagata faigaluega.</p>
<p>Va'ava'aiga fa'atulagaina: e mafai ona faia ni faiga eseese e fa'atatau i le taula'iga o le vasega f.t. iloiloga lautele o galuega e o'o mai i le taimi nei ma so'o se mataupu e fa'atautaia i le vaitau o lumana'i, fa'atalanoaga taula'i i mataupu e mana'omia le lagolago po'o le fa'atonuga i galuega e o'o mai i le taimi nei ma isi. O fa'afitauli faifaipea pe sili atu ona lavelave fa'a'ailoa mai feso'ota'iga fa'asamasamanoa e sili ona talanoaina i lea ituaiga o sauniga.</p>	<p>Talanoaga fa'afesaga'i:</p> <ul style="list-style-type: none"> • Talanoaga i le vitiō - telefoni po'o le polokalame • Talanoaga faafesaga'i.

Metotia o le va'ava'aiga	Auala o le va'ava'aiga
<p>Fa'aa'oa'oga: e aofia ai le fa'atinoina o fa'ata'ita'iga, fa'apaologa ma le tu'uina atu o manatu i le taimi moni. E mafai fo'i ona aofia ai le fausiaina o le malosi o le tagata faigaluega e mafaufau ai ia te ia lava, talanoaina mea na lelei ma mea e mafai ona fa'aleleia, ma maua le mautinoa i le sailia o fofo mo a latou fa'afitauli.</p>	<p>Talanoaga fa'afesaga'i:</p> <ul style="list-style-type: none"> • Talanoaga i le vitiō - telefoni po'o le polokalame • Talanoaga faafesaga'i.
<p>To manatu ma lloilo: ua tu'uina atu i le tagata faigaluega se tulaga moni pe fa'a'ata'ata ma fa'amalosia e fa'atalanoa pe fa'afefea ona latou tali atu ma fautua i mea e mafai ona latou faia eseina e fa'aleleia ai taunu'uga. O lenei auala e tele ina fa'aaoga mo ituaiga lagolago e sili ona faigata. Mo fautuaga i le fa'atulagaina o talanoaga fa'ata'ita'i, aumai i lalo le Pepa Fa'atonu Fa'ata'ita'i Fautuaga mo Supavaisa ma Tagata Faigaluega</p>	<p>Talanoaga fa'afesaga'i:</p> <ul style="list-style-type: none"> • Talanoaga i le vitiō - telefoni po'o le polokalame • I le auai fa'aletino ma le supavaisa, ma/po'o uo i le galuega ma tagata e iai tomai fa'apitoa.
<p>A'oa'o: fa'aaoga e atia'e ai se vaega o fa'ata'itaiga po'o le atina'e o se tomai. Atonu o se vaega o a'oa'oga ta'ito'atasi po'o falefaigaluega.</p>	<p>A'oa'oga faamasani ta'ito'atasi po'o vaega mo le atina'ega o tomai.</p>

Fa'atuina o le faiā i le va'ava'aiga ma fa'atulagana

Taga'i i le Ta'iala o Mataupu Fa'avae i le vaega 1 o le [Va'aiga Aoa'o Puna'oa](#) o se vaega amata mo le fa'atulagaina o se so'otaga lelei ma aoga i le va o le supavaisa ma le tagata faigaluega.

E mana'omia ona fuafua va'ava'aiga ma fa'apipi'i i le amataga o so'o se va'aiga tagata faigaluega ma supavaisa. E aofia ai le malilie i ituaiga o va'ava'aiga e fetau ma mana'oga eseese ma tulaga i le tele o fa'atulagaga/galuega/matafaioi/va'ava'iga. O le filifilia o le auala sili e fa'afeso'ota'i ai e fuafua i le natura o le galuega, tulaga i le fa'asologa o galuega, nofoaga o le tagata faigaluega ma le supavaisa. O le pusa o lo'o i lalo o lo'o tu'u mai ai mea e tatau ona mafaufau i ai pe a filifili pe fa'apefea ona aoga le faiā o va'ava'aiga. E mafai e supavaisa ma tagata faigaluega ona fa'aaoga le pusa o se lisi siaki pe a talanoaina pe fa'apefea ona latou galulue fa'atasi. O vaega autu o fuafuaga ua malilie i ai e tatau ona aofia i totonu o le maliega o le fa'atinoga. E taua le talanoaina ma malilie pe fa'afefea ona fa'aaou le va'ava'aiga i lea aso ma lea aso, fa'apea fo'i ma fonotaga fuafuaina e mana'omia e tusi ai le maliega o fa'atinoga po'o le faia o se iloiloga o fa'atinoga.

Tulaga Vaaia	Manatu
O le ituaiga o galuega	<ul style="list-style-type: none"> • O nisi ituaiga o au'aunaga ma lagolago e sili atu ona lavelave nai lo isi, e mana'omia tulaga maua'ululuga po'o ituaiga eseese lagolago ma fa'atalanoaga tau supavaisa. Mo se fa'ata'ita'iga, o tagata faigaluega o lo'o tu'uina atu lagolago fa'alesoifua maloloina po'o amioga e ono mana'omia le lagolagoina e se foma'i talafeagai mo le soifua maloloina po'o le amio lelei.

Tulaga Vaaia	Manatu
Fa'atulagana o va'ava'aiga	<ul style="list-style-type: none"> Po'o fa'atino uma galuega tau va'ava'aiga e se supavaisa to'atasi po'o fa'asoa atu i matafaioi eseese? Mo se fa'ata'ita'iga, o le lisi po'o le fa'atautaia o le auai ai e mafai ona fa'atino e se isi matafaioi; o nisi ituaiga o lagolago fa'apitoa e mafai ona va'aia e se foma'i; o le va'ava'aiga i lea aso ma lea aso e mafai ona tu'uina atu e se supavaisa. Afai e vaelua matafaioi va'ava'aia, e tatau i le fa'alapotopotoga ona fa'amautinoa o nei matafaioi eseese e fetui lelei le tasi ma le isi. Mo se fa'ata'ita'iga, atonu e mana'omia e le supavaisa muamua ona fa'amaopoopo ma isi mo mea uma e fa'atatau i le maliega o fa'atinoga ma fa'amatalaga talafeagai uma e mana'omia mo le iloiloga o fa'atinoga.
Feso'ota'iga ma nofoaga e siaki ai	<ul style="list-style-type: none"> O le tele o 'au'aunaga ma lagolago NDIS e tu'uina atu i fale o sui auai po'o tulaga i totonu o afioaga. O tagata faigaluega na te tu'uina atu lagolago e laiti avanoa e feiloa'i i le tino ma latou supavaisa po'o isi tagata faigaluega. O tagata faigaluega o tu'uina atu lagolago i sui o i fale o tagata e iai a'afiaga tumau i le soifua e tele atu ona feso'ota'i masani ma uo faigaluega ma supavaisa. E tatau ona iloilo le tulaga ma avanoa e feso'ota'i mo feso'ota'iga o va'ava'aiga fa'afuase'i. O fa'ata'ita'iga o feso'ota'iga ma fa'atulagaga o le siakiina e aofia ai: feau tusitusi e siakiina i le fa'ai'uga o sifi ta'itasi; vala'au pe lafo atu se feau tusitusi atu mo le vave iloa pei o le toesea fa'afuase'i (f.t. ona o ma'i) po'o le talosagaina o se fonotaga fa'atalanoa; ta'i vaiaso po'o ta'i lua vaiaso i telefoni po'o ata vitio mo siaki masani; fonotaga a le tagata lava ia e toe iloilo fa'atinoga i le ta'i ono masina e fa'atalanoa tulaga o iai mea, fa'atalanoaina fa'afitauli tau galuega, alualu i luma po'o mana'oga o le atina'ega o agava'a; auai i fonotaga masani a le afaigaluega; auai i fonotaga a tupulaga i luga ole laiga.
O le tulaga o le potu masani a le tagata faigaluega ma le umi o iai i totonu o le fa'alapotopotoga	<ul style="list-style-type: none"> Afai e fou le tagata faigaluega i le galuega a le NDIS, pe o lo'o a'oa'o e tu'uina atu se ituaiga lagolago fou, o le a latou mana'omia le lagolago malosi a'o faasolo ona latou masani i le galuega ma atiina'e ai le mautinoa. E mana'omia fo'i e le supavaisa le tu'uina atu o avanoa masani e siaki ai, fa'amautinoa o lo'o ia te ia le agava'a latou te mana'omia, ma ia mautinoa o lo'o nofouta le tagata faigaluega i mea e mana'omia o lo'o fa'atulaga i totonu o le Tulafono o Amioga ma le auala fa'amoemoe o le tu'uina atu o 'au'aunaga o lo'o fa'amatalaina i totonu o le Fa'avae. Afai e fou le tagata faigaluega i le fa'alapotopotoga, latou te mana'omia le amata fa'ailoaina/fa'asalalauga i sini fa'alotoifale, fa'amuumua, faiga fa'avae, taualumaga, faiga, ma isi. E tatau i le supavaisa ona mautinoa ua saunia nei mea.

Tulaga Vaaia	Manatu
Iloiloga o fa'atinoga	<ul style="list-style-type: none"> • E fa'apefea ona mata'ituina ma iloilo e le supavaisa pe fa'apefea ona alu le tagata faigaluega ina ia fa'amaonia ai ua tu'uina atu 'au'aunaga ma lagolago ma ua ausia tulaga mo'omia? O le iloiloga e tatau ona aofia uma ai le fa'atinoga o galuega (o le 'a') ma le auala o lo'o fa'atinoina ai (o le 'fa'apefea': o le agava'a fa'aalia). E tatau i le supavaisa ma le tagata faigaluega ona fa'atalanoa pe fa'afefea ona fai lea mea ma pe fa'afefea ona tu'uina atu fa'amatalaga, 'i le taimi' pe a talafeagai, po'o se iloiloga fuafuaina. Taga'i i le Atina'ega o A'oa'oga ma Agava'a: O se Ta'iala mo Supavaisa mo nisi fa'amatalaga. • O le auai i le fale o le sui auai e mata'ituina le tu'uina atu o 'au'aunaga e mana'omia ona fa'atulagaina ma malilie fa'atasi ma le sui auai. • Filifili le auala talafeagai o le iloiloga e fetui ma le natura o le lagolago o lo'o tu'uin atu. Mo se fa'ata'ita'iga, o le tu'uina atu o lagolago maualuga e ono mana'omia ai se faiga fa'apitoa mo su'esu'ega. O le Ta'iala o le A'oa'oina ma le Atina'eina o Agava'a e maua ai nisi ta'iala.
Tu'uina atu ma le mauaina o manatu fa'aalia	<ul style="list-style-type: none"> • O le tasi itu autū o se faiā aogā o le va'ava'aiga o le fa'amamafa e tu'u i le manino, manatu fa'alia fa'amaoni, e aoga uma e fa'ailoa ai po'o le fa'avi'ivi'i o galuega lelei ma fa'aalia ai fa'afitauli p'oo itū e ono mana'omia ona fa'alelei. Silasila i punaoa Galulue Fa'atasi ma le Pepa o Manatu Fa'aalia mo Supavaisa mo fautuaga i nei itu tāua.

Atina'e o se maliega o fa'atinoga

O le maliega o fa'atinoga e tatau ona atia'e fa'atasi i le va o le supavaisa ma le tagata faigaluega. Afai o lau fa'alapotopotoga e leai se fa'agasologa po'o le fa'ata'ita'iga o le maliega o fa'atinoga, e mafai ona e o'omi le so'otaga i le [fa'ata'ita'iga o Maliega o Fa'atinoga](#) i le vaega o le feso'otaiga o punaoa o le va'ava'aiga i le fa'atomuaga i lena ta'iala. O le tulaga o fa'amatalaga i le fuafuaga o le a fa'alagolago i le tulaga o galuega a le tagata faigaluega: o se tagata faigaluega tumau o le a telē atu lana maliega nai lo se tagata faigaluega le tumau e na o nai itula e faigaluega ai i le vaiaso. Peita'i, o tagata faigaluega uma e tatau ona iai ni fa'atonuga o le va'ava'aiga e fa'atatau i tiute fa'amaumauina ma fa'amoemoega agava'a.

O manatu o lo'o lisi atu i lalo e maua ai le ta'iala ile fa'amae'aina o le fa'ata'ita'iga o le Maliega Fa'atinoga:

- Umi o le maliega: e masani lava e ta'i 12 masina ae e mafai ona fai mo sina taimi pu'upu'u atu.
- Aso fuafuaina e iloilo ai: mo se maliega e 12 masina, o iloiloga e mafai ona fai i le ogatotonu ma le fa'ai'uga pe a toe fa'afou le maliega. A fa'avaeina se maliega mo le taimi muamua, mafaufau e fa'atulaga se iloiloga vave e siaki po'o a mai le sologa o mea ma fa'ailoa ai pe iai se mana'oga mo ta'ita'iga fa'aopopo po'o le atia'eina o le mafai.
- Tiute/matafaioi, mea e mafaia, ma fa'ailo o mea ua ausia: o mea nei e tatau ona talanoaina ma malilie ai le supavaisa ma le tagata faigaluega i se fono o fa'atinoga a'o le'i fa'amae'aina le maliega.
 - Tiute/matafaioi: lisi mai na o mea autū, aumai mai le fa'amatalaga o le avanoa, taualumaga talafeagai ma fuafuaga ma maliega a sui auai, fetu'una'i ia fa'aalia so'o se taula'i fa'apitoa e aogā i le taimi nei. Mo se fa'ata'ita'iga: avatuina o tausiga patino i aiga o sui auai.
 - Mea e mafaia: filifili le 1-2 mea e mafaia mai le Fa'avae e fetui lelei ma tiute ta'itasi o lisiina (o nisi tiute e ono tutusa mea e mafaia). Taga'i i le Fa'avae ma lisi mea e mafaia autu ma so'o se mea e mafaia fa'apitoa. Mo se fa'ata'ita'iga: Fausia Faiā Talitonuina; la lelei Feso'ota'iga; Lagolago mo Sui Auai e iai a'afiaga tumau i le olaga; ma isi. Fa'aaofia ai fo'i so'o se tomai fa'apitoa o matata eseese e mana'omia, f.t. fa'aaogaina o se lifi.
 - Fa'ailo o mea ua ausia: fa'amatala fa'ailo o le a fa'ailoa ai ua manuia le fa'atinoina e le tagata faigaluega o ona tiute, fa'alia agava'a mana'omia. Filifili fa'ailo e patino, mafai ona fua ma moni. Mo se fa'ata'ita'iga: lipotia e sui auai e latou te lagona le saogalemu ma le mautinoa; auai i le taimi sa'o; fa'ata'ita'iga o taualumaga sa'o.

O se iloiloga o le fa'atinoga e tatau ona fa'atino i se fono fuafuaina i le va o le supavaisa ma le tagata faigaluega, fautuaina i le ta'i ono masina.

Fuafuaina o le isi maliega e tatau ona fausia i luga o le mataitū ma le fa'asino aga'i i le atia'e o mea e mafaia mai le taimi muamua na va'ava'aia ai. E tatau fo'i ona fa'aaoga o se avanoa e fa'atalanoa ai fa'atulagana o va'ava'aiga ma fai ni fetu'utu'una'iga mana'omia e fa'aleleia ai le latou aogā ma penefiti.

Lagolagoina o se fuafuaga e atia'e ai mea e mafaia

O le [fa'ata'ita'iga o Maliega o Fa'atinoga](#) e aofia ai se vaega mo le fuafuaga e atia'e ai mea e mafaia a le tagata faigaluega. O le maliega o fa'atinoga e tatau ona lagolagoina e se fuafuaga e atia'e ai mea e mafaia e iloa mea e mafaia ua fa'ailoa le alu i luma ma isi e mana'o le tagata faigaluega e atia'e. E mafai ai ona iloilo mea e mafaia ma atia'e fono i le va'ava'aiga ma le lagolago ma fa'amaumau le alualu i luma ma mea ua ausia.

O lea fuafuaga e tatau ona fua i iloiloga o mea e mafaia a le tagata faigaluega o lo'o fa'amatalaina i le [Atina'e o le A'oa'oina ma Mea e Mafai: O se Ta'iala mo Supavaisa](#) ma e fa'ailoa mai e isi manatu fa'aalia a'o maua mai.

O le vaega o le fuafuaga e atia'e ai mea e mafaia e fa'ailoa ai itū mo le atia'eina, le auala o le a fa'aleleia ai ma pe fa'aapefea ona iloilo lo latou manuia. E taua i le fuafuaga e atia'e ai mea e mafaiq le fa'atapula'a i na o le tomai fa'amatatā eseese e pei o le fa'aaogaina o le masini e manavaina, ae ave fo'i le fa'amamafa i le atia'eina o tomai 'vaivai', e pei o feso'ota'iga ma le agava'a e fa'avae faiā lelei ma isi. O nei itū e faigata ona atia'e pe afai o le tagata faigaluega e le o se tagata fetau ma galuega mo a'afiaga tumau i le soifua ae e iai le lautele e fa'amalosia ai tomai vaivai ma le fa'amatatā eseese o se vaega o atia'eina o mea e mafaia.

O togi o lo'o lisiina i lalo e maua ai le ta'iala i le fa'atumuina o le vaega o le atia'eina o mea e mafaia o le fa'ata'ita'iga o Maliega Fa'atino:

- Tomai o mea e mafai po'o tomai fa'amatatā eseese mo le atia'eina: tu'u i totonu fa'amatalaga o tomai ma amioga e mana'omia le atia'eina. E ono avea ma mea e fa'aleleia ai fa'atinoga i lo'o iai po'o le atia'e o tomai fou mo sini fou i galuega mo le lumana'i. Mo se fa'ata'ita'iga: fa'aloloto le malamalama e lagolago ai tupulaga talavou e iai le autism.
- Metotia o le a'oa'oina/atia'eina: taga'i i le ta'iala o le A'oa'oina ma le atia'eina mo metotia fautuaina. Mo se fa'ata'ita'iga: a'oa'o i luga o le galuega; auai i a'oa'oga o polokalame pupu'u i le galue ma sui auai e ese o latou mafaufau; auai i fa'atinoga a le nu'u e lagolago le fa'atino manatunatu ma le atia'eina.
- Fa'ailo o mea ua ausia: fa'amatala le fa'ailo o mea ua ausia ma pe fa'aapefea ona fa'amaonia. Mo se fa'ata'ita'iga, fa'aopopoina le mautinoa i le puleaina o amio faigata, fa'amaonia e le supavaisa pe a mataitū i tulaga masani.

Mo nisi fa'amatalaga, taga'i le [Atia'eina o le A'oa'oina ma Mea e Mafaia: O se ta'iala mo Supavaisa](#).

Lagolagoina o le soifua manuia

Soifua manuia mo tagata faigaluega ta'ito'atasi e a'afia i le tu'ufa'atasiga o vaega patino, galuega ma fa'alapotopotoga. O le va'ava'aiga o se vaega autū lea o le fuafuaga i le soifua manuia o se tagata faigaluega. O se faiga paaga lelei i le va o le tagata faigaluega ma le latou supavaisa lea e galulue fa'atasi ai i le manatunatu, va'aia ma fa'afaiileina o le soifua manuia e fa'aleleia.

Fa'ailo o le soifua manuia i le galuega

- Maua le mautinoa i matafaioti ma mea e mafaia e mana'omia ia fetauti ma fa'amoemoega.
- Auai i galuega aogā e fai le sao i taunu'uga lelei mo sui auai.
- Lagona le aloaia ma le fa'atāuaina.
- Maua le fa'amalo mai galuega lelei ma maua manatu fa'aalia aogā
- O se si'osi'omaga saogalemu ma talitonuina.
- Maua se lagona o se sui o se vaega faigaluega, galulue fa'atasi, ma galulue aga'i i sini tutusa.
- O mana'oga i mea e mafaia ma le atia'eina a tagata faigaluega e lagolagoina.
- O le aganu'u fa'alegaluega e o gatasi ma anavatau a le fa'alapotopotoga.

Fuafuaga e fa'aleleia ai le soifua manuia

- Fatuina o se agaga o se au ma talanoaga masani i le va o tagata faigaluega ma supavaisa.
- Iai avanoa i le va'ava'aiga mo iloiloga: e mana'omia ona avanoa e latalata i le taimi o so'o se mea e tupu ma o se mea fa'aopopo i fono fa'atulagaina masani a le va'ava'aiga.
- Polokame fesoasoani mo afaigaluega: tataua ona fa'alauiloa ia mafai ai e tagata faigaluega ona maua le faufautua po'o le lagolago pe a latou mana'omia se vaega lagolago tuto'atasi.
- Va'ava'aiga masani fa'atulagaina: o le naunau i le va'ava'aiga e lagolago, ma fa'alauiloa le atia'eina o tomai o lo'o iai i le malioga o le va'ava'aiga.
- Polokalma e aloa'ia ai tagata faigaluega: pepa fa'atumu faigofie e aloaia ai le tāua o le iai o se afaigaluega naunau ma gafatia.
- Avanoa mo le atia'eina patino ma le fa'apolofesa: oi i e fa'aalia ai le naunau o le fa'alapotopotoga i sini mo le lumana'i a le tagata faigaluega ma le tuputupu a'e patino (tagai fo'i i le Komisi NDIS [Ta'iala mo le Filifiliga o Galuega](#)).

Nisi puna'oa aogā

- [Fa'avae o Agava'a o Tagata Faigaluega a le NDIS](#): fa'amatala ia uiga, tomai ma iloa e mana'omia e tagata faigaluega uma - aofia ai supavaisa - ma amioga e mafai ona e fa'amoemoe e vaai.
- [Meafaigaluega aua le Puleaina ma Fuafuaga i le Galuega](#): o se mea faigaluega na fausia e lagolago i fa'alapotopotoga e iloilo ma fuafua manaoga o iai ma le lumana'i ma fa'amuamua fuafuaga, aofia ai le fuafuaga o le atia'eina o le a'oa'oina ma mea e mafaia.
- [Tulafono o Amioga a le NDIS](#): fa'alauiloa le saogalemu ma le sa'o o 'au'aunaga e ala i le fa'atulagaina o fa'amoemoe mo le fa'atinoina o fai 'au'aunaga ma tagata faigaluega a le NDIS.
- [Tulafono o Amioga a le NDIS: Ta'iala mo le au Fai Auaunaga](#).
- [NDIS Fa'ailoga o Tulaga Fa'atino ma Uiga Lelei](#): fa'amaoti le tulaga i le lelei o maua e fai 'au'aunaga ua lesitala a le NDIS e ofoina atu le lagolago ma le 'au'aunaga ia sui auai o le NDIS.